



BASES E CONVOCATORIA DO CONCURSO DE COMPARSAS E CARROZAS *ENTROIDO 2014*

Primeira.- O Servizo de Festas da Concellería de Cultura, Festas e Museos do Concello de Vigo e a Comisión Colaboradora do *Entroido 2014* convocan o tradicional concurso de comparsas e carrozas, que se realizará o sábado 1 de marzo, dentro do programa de actividades e espectáculos do *Entroido 2014*. Neste concurso poderán inscribirse todas aquelas comparsas integradas por un mínimo de 30 persoas.

Segunda.- As solicitudes de inscrición poderán presentarse no Rexistro Xeral do Concello de Vigo, en impreso normalizado para este fin, dende o día da súa aprobación pola Xunta de Goberno Local **ata o venres 21 de febreiro, ás 13:30 h.** Todas aquelas solicitudes presentadas fóra deste prazo serán desestimadas, calquera que sexa a causa do seu atraso. As bases publicitaranse a través de anuncio nos medios de comunicación local e estarán a disposición dos/as interesados/as na oficina de Información situada na lonxa da Casa do Concello e nas web municipal (www.vigo.org) e www.vigocultura.org

Terceira.- Os premios establecidos para o concurso serán os seguintes:

PREMIOS XERAIS:

- 1º PREMIO: 2.500,00 €
- 2º PREMIO: 2.000,00 €
- 3º PREMIO: 1.500,00 €

14 ACCÉSIT non acumulables aos tres primeiros premios de:

- 500,00 euros para aquelas comparsas que teñan como mínimo 30 compoñentes.

Os premios serán indivisibles e algúns deles poderán quedar desertos, sobre todo no caso dos accésit, segundo a decisión do xurado do concurso. En caso de empate decidirá o voto de calidade do presidente do xurado.

Os aboamentos dos premios serán tramitados pola comisión colaboradora do *Entroido 2014*, constituída pola “Agrupación de Centros Deportivos e Culturais” e pola Federación de Peñas Recreativas “El Olivo”, unha vez recibida a acta do xurado, e estarán suxeitos á normativa fiscal que corresponda e dentro dun prazo máximo de 60 días.

Cuarta.- O número de orde das comparsas inscritas no desfile asignarase mediante sorteo público, que se realizará o martes 25 de febreiro, ás 12:00 h, no Auditorio Municipal do Concello (praza do Rei, s/n).

Co obxecto de facilitar a organización deste concurso, resulta conveniente que algún representante de cada comparsa inscrita acuda a este sorteo.

Quinta.- A concentración e o desfile das comparsas inscritas farase o sábado 1 de febreiro nos seguintes lugares e horas:

► CONCENTRACIÓN E MONTAXE DO DESFILE (17:00 h): Avda. de García Barbón, entre a rotonda de Julián Estevez e a rotonda de Isaac Peral.

► DESFILE (18:00 h): percorrido de Avda. de García Barbón (dende rotonda Isaac Peral), rúa Policarpo Sanz e Porta do Sol (remate).

Sexta.- As carrozas participantes no desfile de comparsas non poderán exceder das seguintes dimensións, sen contar a cabeza tractora:



Longo: 8,00 m / Ancho: 3,50 m / Alto: 4,50 m

Dous membros da organización do Entroido 2014 recollerán as medidas de cada carroza nunha acta que lle será entregada ao xurado antes do comezo do desfile. En caso de que algunha das carrozas participantes incumpra as anteditas medidas, quedarán excluídas directamente do desfile.

Así mesmo, e co obxecto de garantir a seguridade dos demais participantes e do público asistente, o persoal de organización e o xurado do concurso quedan facultados para excluír do desfile ou cambiar o seu posto de orde a calquera elemento das comparsas que se considere perigoso (animais de todo tipo, petardos, bengalas,...).

Sétima.- As carrozas participantes terán que estar no lugar de concentración e montaxe do desfile á hora sinalada na base quinta (17:00 h).

Aquelas comparsas que cheguen máis tarde das 17:30 h, terán que desfilar en último lugar. Así mesmo, as comparsas que pola razón que sexa, cheguen despois das 18:00 h, quedarán fóra do concurso e non poderán ser valoradas polo xurado, máis poderán participar no último lugar do desfile, se o desexan.

Dous membros da organización do *Entroido 2014* recollerán a hora de chegada de cada comparsa nun acta que será entregada ao xurado antes do comezo do desfile.

Oitava.- A valoración dos criterios dos concursos estará determinada polo xurado, que estará composto por:

PRESIDENCIA: Concelleiro de Cultura, Festas e Museos ou persoa en quen delegue.

VOGALÍAS: - Dúas persoas vencelladas ás artes creativas, medios de comunicación, cultura, etc.
- Un membro da comisión organizadora do *Entroido 2014*.

SECRETARÍA: Un/unha técnico/a da Concellería de Cultura e Festas, con voz e sen voto.

O xurado terá liberdade de criterio para establecer a súa avaliación e cualificacións, pero deberá prestar atención a cuestións como: número de membros, vestiario, orixinalidade, coreografías e presenza de elementos complementarios como carrozas, harmonía, simpatía, etc.

As persoas membros do xurado avaliarán as comparsas participantes no desfile dende diferentes puntos do percorrido sen determinar, non haberá un palco de xurado.

Novena.- As comparsas inscritas deberán participar no desfile de comparsas e carrozas o sábado 1 de marzo, e poderán participar no cortexo de acompañamento ás cinzas do Meco o mércores 5 de marzo.

Décima.- A decisión do xurado publicarase mediante a lectura da acta ao remate do enterro do Meco, que terá lugar na praza da Constitución o mércores 5 de marzo, ás 19:30 h.

Durante a lectura da acta dos premios, será obrigatoria a presenza dalgún membro de cada comparsa participante no concurso do día 5 de marzo. A ausencia deste membro, implicará a renuncia ao premio.

Décima primeira.- O concelleiro de Cultura, Festas e Museos queda facultado para resolver as posibles eventualidades ou controversias que poidan xurdir e non previstas nestas bases.

Décimo segunda.- A participación no concurso supón a aceptación de todas e cada unha das bases. A decisión do xurado é inapelable.

Vigo, febreiro de 2014



CONCURSO DE COMPARSAS E CARROZAS DO ENTROIDO 2014
SOLICITUDE DE INSCRICIÓN

NOME E APELIDOS

NIF ENDEREZO

NÚM C.P. LOCALIDADE

TELÉFONO..... FAX..... Correo electrónico:

EN REPRESENTACIÓN:

de si mesmo/a

IBAN/Nº conta bancaria (20 díxitos)

(Imprescindible achegar unha fotocopia compulsada do NIF e certificación bancaria).

da entidade denominada

CIF ENDEREZO

NÚM C.P. LOCALIDADE

TELÉFONO..... FAX Correo electrónico:

IBAN e Nº CONTA BANCARIA

(É imprescindible achegar unha fotocopia compulsada do CIF e certificación bancaria).

SOLICITA a inscrición da comparsa denominada

Número de compoñentes da comparsa (mínimo de 30)

Presenta carroza SI NON

En caso afirmativo, resulta imprescindible cubrir os seguintes datos:

LONGO ANCHO ALTO

(Cómpre ver nas bases do concurso as medidas máximas permitidas)

Presenta algún outro tipo de elemento (animais, automóbiles...) SI NON

En caso afirmativo, hai que indicar cales e o seu número

Vigo, de de 2014

SINATURA

EXCMO. ALCALDE DO CONCELLO DE VIGO

O número de orde de participación das comparsas inscritas nos desfiles decidírase mediante sorteo público, o martes 25 de febreiro, ás 12:00 h, no Auditorio Municipal do Concello (praza do Rei, s/n).